

## ILUARSISSUT

Siunnersuut 19. aggusti 2015-imeersaq taarserpaa

(Siunnersuutip tunngavilersuutaani iluarsissuteqartoqarpoq, taamaalilluni Aningaasaqarnermut Ataatsimiititaliap 2012-imi Aningaasanut Inatsisissatut isumaliutissiissutimini Kalaallit Nunaanni nalunaarsuisarnermut inatsisip atorunnaarsinneqarnissaanik eqqarsaat Inatsiseqarnermut Ataatsimiititaliap ataani pissasoq erseqqissaassutigineqarpoq)

Inatsisartut suleriaasianni § 33, stk. 6, nr. 4 naapertorlugu Inatsisartut aalajangiiffigisassaattut Naalakkersuisut matumuuna imaattumik siunnersuuteqarput:

**Siunnersuut uunga: Inunnik paasissutissanik suliarinnittarneq pillugu Kunnigip Peqqussutaata Kalaallit Nunaanni atuutilersinneqarnissaanik Namminersorlutik Oqartussat pisinnaatinneqarnissaat pillugu Inatsisartut aajangiiffigisassa.**  
(Aningaasaqarnermut Naalakkersuisoq)

### Tunngavilersuut

Aalajangiiffigisassatut siunnersuut saqqummiunneqarpoq inuit pillugit paasissutissanik atuinerup inatsisitigut nutarterneqarnissaata kissaatigineqarnera tunngavigalugu. Aalajangiiffigisassatut siunnersuutip akuersissutigineqarneratigut danskit inunnik paasissutissanik suliarinnittarneq pillugu inatsisaat Kalaallit Nunaannut atuutilersinneqassaaq, paasissutissanullu inatsisit atuuttut atorunnaarsinneqarlutik.

Inuit pillugit paasissutissanik atuinermi maanna paasissutissanut inatsisit 1978-imeersunut peqqussutit atorneqarput, ilaatigut suliat suliarineqartarnerannut inatsisikkut aamma nipangiussimasussaataaneq eqqarsaatigalugu pinerluttulerinermut inatsisikkut. Nalunaarsuisarnermi inatsisit ullutsinnut naleqqukkunnaarsimasutut nalilerneqarput, tamannalu pisortat aamma inuussutissarsiutinik ingerlatallit inunnik paasissutissat suliarineqarnerannut atatillugu, aamma NemID-p atulerneranut kiisalu akuersitsiniarnermik aallartitsisoqartillugu nunatut isumannaatsuunissamat tunngatillugu arlalitsigut unammilligassiipput. Pineqartuni inatsisit pisoqalisoorsimanerisa kingunerisaannik aamma Kalaallit Nunaata digitalinnqorsarneqarneranik sulineq akimmisaartissavaa. Tamatumalu aamma kingunerisaanik digitalinnqortitsinermi periusissiami siunnerfigineqartut suliarineqarsinnaassanngillat, inunnik paasissutissanik suliarinnittarneq pillugu inatsisit nutarterneqanngippata. Taamaattumik inatsisitigut maanna inissisimaneq attanneqarsinnaanngilaq.

2010-mut aningaasanut inatsisissap aappassaaneerneqarneranut atatillugu Aningaasaqarnermut Ataatsimiititaliap imaattumik oqaaseqaateqarpoq:

*Konto pingaarneq 20.16.01 Kalaallit Nunaanni Naatsorsueqqissaartarfik*

*Nalunaarsuisarnermut inatsiseqarneq*

*Naalakkersuisut ilisimatitsipput Nunap iluani pissutsinut, Pinngortitamut aamma Avatangiisinut*

*Naalakkersuisoqarfiup naatsorsuutigigaa inunnik paasissutissanik suliarinnittarnermut*

*inatsisissatut naleqqussakkamik missingiummik 2010-p upernaavani tusarniaassuteqarnissani,*

*2010-p upernaavani Inatsisartut ataatsimiinnissaanni akuersissutigineqartussamik.*

*Aningaasaqarnermut Ataatsimiititaliap Inatsisartut Inatsiseqarnermut Ataatsimiititaliaat*

*kaamaattussavaa suliaq tamanna malitseqartillugulu aallartissagaa.*

2011-mut aningaasanut inatsisissap aappassaaneerneqarneranut atatillugu Aningaasaqarnermut Ataatsimiititaliaq imaattumik oqaaseqaateqarpoq:

*Konto pingaarneq 20.16.01 Kalaallit Nunaanni Naatsorsueqqissaartarfik*

*Nalunaarsuisarnermut inatsiseqarneq*

*Ukiumi kingullermi aningaasanut inatsisissap suliarineqarneranut atatillugu Naalakkersuisut ilisimatitsipput Nunap iluani pissutsinut, Pinngortitamut aamma Avatangiisinut*

*Naalakkersuisoqarfiup naatsorsuutigigaa inunnik paasissutissanik suliarinnittarneq pillugu inatsisissamik ullutsinnut naleqqussakkamik 2010-p upernaavani tusarniaasoqassasoq, Inatsisartut 2010-p upernaavani akuersissutigisassaattut siunniunneqartussamik.*

*Tamanna paasissutissiissutitaqanngitsumik pinngitsoorpoq. Aningaasaqarnermut Naalakkersuisup ukioq manna ilisimatitsissutigaa inunnik paasissutissanik suliarinnittarneq pillugu inatsimmik piffissami qaninnermi saqqummiussisoqarnissaa naatsorsuutigineqarsinnaanngitsoq.*

*Naatsorsuutigineqarpoq Inatsiseqarnermut Ataatsimiititaliap tamanna malersoqqissagaa.*

Aningaasaqarnermut Ataatsimiititaliaq 2012-imut Aningaasanut Inatsisissatut isumaliutissiissummini aammattaaq ima erseqqissaateqarpoq:

*Siusinnerusukkut Aningaasaqarnermut Ataatsimiititaliaasimasup eqqarsaatersuutigisimavaa*

*danskit nalunaarsuisarnermut inatsisaat atuuttoq Kalaallit Nunaannut atuuttussanngortissallugu naleqquttuussanersoq. Naalakkersuisut tamannarpiaq misissorpaat, pineqartumi inatsit*

*atorneqartoq pisoqalisoorsimasutut isigineqarmat. Danskilli nalunaarsuisarnermut inatsisaat annertoorujussuullunilu pisariuvoq, tamatumalu kingunerisaanik eqqarsaatigineqarsinnaalluni*

*nalunaarsuisarnermut inatsisip Kalaallit Nunaannut atuuttup atorunnaarsivinneqarnissaa*

*aqqutissaasinnaanersoq. Tamatumunngali atatillugu eqqarsaatersuut siullermik Inatsiseqarnermut Ataatsimiititaliami suliarineqaaqqaartariaqarpoq.*

Naalakkersuisut nalilerpaat nalunaarsuisarnermi inatsisit atuuttut atorunnaarsissallugit naleqquttuunngitsoq, inunnik paasissutissat allatigut inatsisiliuunneqarlutik taarserneqartinnagit.

Tamanna pissuteqarpoq Naalakkersuisut paasinninnerat naapertorlugu inunnik paasissutissat suliarineqartarnerat pillugu inatsisit nutarterneqarnissaat pisariaqarmat, Kalaallit Nunaanni digitalinngorsaaneramik suliaqarnerup ingerlattiinneqarnissaa anguniarlugu, aammalu nunatut isumannaatsutut EU-p ataani akuerineqarnissap qinnuteqaatigineqarnissaata aallartinnissaa eqqarsaatigalugu.

Aalajangiiffigisassatut siunnersuutip saqqummiunneqannginnerani nalunaarsuisarnermut inatsisit tigusissaannut atugassarititassat Naalakkersuisunit misissorneqarput, tamatumunnga ilanngullugu inunnik paasissutissat pillugit maleruagassanik immikkut inatsisartut inatsisaannik suliaqartoqassanersoq.

Aaqqiissutissat marluullutik nakkutilliisussaataasunut aamma malittarissassanik suliaqartussanut atuutilersitsinissamut aamma ingerlatsinermut isumalluutinik annertuumik pisariaqartitsiviussapput. Aammattaaq ilimagisariaqarpoq nunat tamalaat akornanni inunnik paasissutissanik suliarinnittarneq pillugu inatsisinut piumasaqaatit siunissami inatsimmik naleqqussaajuarnissamik puiumasaqaatitaqarnissaat.

Taamaattumik Naalackersuisut nalilerpaat danskit inunnik paasissutissat pillugit inatsisaata atuutilersinneqarnissaa maannakuugallartoq aaqqiissutissatut pissusissamisoornerpaajusoq.

### **Siunnersuutip imarisaa**

Inunnik paasissutissat suliarineqartarnerat pillugu inatsisip inuit pillugit paasissutissat atorineqartarnerat, innuttaasut pisinnaatitaaffii, innuttaasunut nalunaarsorneqarsimasunut tunngatillugu paasissutissiisusaaatitaanerit, paasissutissanik nunanik allanik paarlaasseqateqartarnermut tunngasut, suliffeqarfiit iluini paasissutissat isumannaatsuutinneqarnissaat, paasissutissanik suliaqartut nalunaartussaataitaanerit aamma suliaassarfiup iluani nakkutilliisusaaatitaaneq kiisalu inatsisip unioqqutinneqarnerani taarsissusaaatitaaneq pillagaasinnaatitaanerlu malittarisassiuuppai.

Aammataaq innuttaasut arlalitsigut inatsisikkut pisinnaatitaaffilerneqarput, nammineq pisinnaatitaaffigisat pillugit paasitinneqarnissamut, paasissutissat kukkusut peerneqarnissaannut, paasissutissat kukkusut takuneqarsinnaajunnaarsinnissaannut imaluunniit iluarsisuteqarfiginissaannut. Kiisalu nalunaarsorneqarsimasoq pillugu paasissutissat atorineqarnerannik nalunaarsorneqarsimasumut paasissutissiisusaaatitaaneq.

Inunnik paasissutissanik suliarinnittarneq pillugu inatsisip aammataaq pisortat sullissiviini, namminersortuni aamma eqqartuussivinni inuit pillugit paasissutissat suliarineqarneranni nalunaartussaataitaaneq malittarisassiuuppa.

Aammataaq ilisimatusarnermut atatillugu inuit pillugit paasissutissat atorineqarnerat malittarisassiuunneqarpoq. Tassunga ilaallutik ilisimatusarnermut atatillugu nalunaarsuivinnik ataatsikkut atuisinnaaneq.

Aammataaq inuit pillugit paasissutissat atorineqarneranni isumannaatsuutitsinissaq kiisalu IT-eqarnikkut systemit aaqquissusaaanerisa inatsimmit tunngaveqarnissaat malittarisassiuunneqarput. Pingaartumik nunanik tamalaanik attaveqateqarnermi aamma paasissutissanik nunanik allanik paarlaasseqateqarnermi isumannaatsuutitsinissaq pingaaruteqarluinnarpoq.

Datatsynittaaq sulinera malittarisassiuunneqarpoq. Tassunga ilanngullugu inuit pillugit paasissutissat suliarineqarnerat pillugu maalaaruteqarsinnaatitaaneq.

Nalunaarsuisarnermut inatsisip atorunnaarsinneqarnerisigut inuit pillugit paasissutissat atorineqarnerini nalunaartussaataitaanerup pisariinnerulersinneqarnissaa aamma naatsorsuutigineqarpoq.

Peqqussummut missingiummut, naalisaanermik ilaqartumut, ilanngunneqartumut aamma innersuussisoqarpoq.

### **Aningaasatigut kinguneqaataasussat**

Naalagaaffeqatigiinnerup iluani inatsisiliornermut atatillugu aningaasartuutit naalagaaffiup akisussaaffigai.

Inunnik paasissutissanik suliarinnittarneq pillugu inatsisip atuutilersinneqarneratigut nalunaarsuisarnermi inatsisip atuuttut atorunnaarsinneqassapput. Taamaalilluni inuit pillugit

paasissutissanik atuinermi nalunaarsuisarnermi malittarisassanik suliaqartussaataitaneq nalunaartussaataitanermik taarserneqassaaq. Allaffissornikkut ileqqaaruteqarnermik tamanna kinguneqassangatinneqarpoq.

Ilutigitillugu nalunaarsorneqarsimasunut paasititsisussaataitaneq eqqunneqassaaq. Naatsorsuutigineqarpoq paasititsisussaataitaneq sapinngisamik assersuutigalugu qinnuteqaatini immersugassani naqeriikkatut naammassineqarsinnaassasoq. Paasititsisussaataitanermut atatillugu allaffissornikkut aningaasartuutissat killeqassasut ilimagineqarpoq.

Inunnik paasissutissanik suliarinnittarneq pillugu inatsisip atuutilersinneqarneranut atatillugu sulisunik ilinniartitsinissamik pisariaqartitsinissaq ilimagineqarpoq, inatsisinik nutaanik allanik atuutilersitsinerit assigalugit. Inunnik paasissutissat pillugit inatsimmut atatillugu ilitersuinissamik akisussaaffik naalagaaffiup akisussaaffigaa. Datatilsynip Kalaallit Nunaanni atuunnissaata piareersarnissaanut atugassarititassat pillugit Naalakkersuisut Justitsministeriaqarfimmik oqarloqateqarput.

Inunnik paasissutissanik suliarinnittarneq pillugu inatsit aamma namminersortunut atuummat namminersorlutik suliffiutillit aamma inuit pillugit paasissutissanik atuinermi nalunaartussaataitapput. Namminersorlutik suliffiutillit maannamut namminersortunut nalunaarsuiffinnut inatsimmut ilaapput, taamaattumillu inunnik paasissutissat pillugit inatsimmut ikaarsaarnermi suliffiutillit aningaasartuuteqarnerunissaat naatsorsuutigineqanngilaq. Inunnik paasissutissanik suliarinnittarneq pillugu inatsisip atuutilersinneqarneratigut sulisunik amerlanerusunik atorfinitsitsisariaqarnissaq Naalakkersuisut ilimagingilaat.

### **Tusarniaaneq**

Ilassummik tusarniaaneq Naalakkersuisut ingerlappaat piffissami 22. maaji – 30. juuni 2015. Aammattaaq Naalakkersuisut Nuummi isumasioqatigiissitsipput, pingaarnertullu kommuninut sammititamik oqarasuaatikkut isumasioqatigiissitsisoqarluni.